

# Аёлларни масжидга боришдан ман қилмаслик



11:30 / 25.04.2021 2679

إِذَا قَامَ لَسَوْوَهُ يَلْعَهُ لَلِإِلَّهِ صَبَّ لِنَعِ، عُنْهُ لَلِإِلَّهِ صَرَّرَ مَعِ نَبِإِنَعِ  
أَمْهَ أَوْرٍ نُّهَلِ أُونْدَافِ بَحْسَمِ لَلِإِلَّهِ لَلِإِلَّهِ لَلِإِلَّهِ لَلِإِلَّهِ لَلِإِلَّهِ لَلِإِلَّهِ  
نَآخِي شِلِإِ

Ибн Умар розияллоҳу анҳудан ривоят қилинади:

«Набий соллаллоҳу алайҳи васаллам:

«Сиздан аёлларингиз кечаси масжидга бориш учун изн сўраса, уларга изн беринг», дедилар».

Иккисини икки Шайх ривоят қилганлар.

Ҳадиси шарифдан олинадиган фойдалар:

1. Аёллар масжидга ҳам эрларининг изни билан боришлари кераклиги.
2. Кечаси хотин масжидга бориш учун изн сўраса, рухсат бериш кераклиги.

هَلَلِ اِئِمَّةٍ اَوْعَنْ مَتِّ اَلْاِقَامِ لَسَوَّوْهِيْلَعُ هَلَلِ اِيْلَصِيْبِنَلَا نَعُوْغُو  
تَالْفَتُّ هُوَ نَحْنُ خَيْرٌ لِّوَنَكَلُو دَاوُو دُوَادُوْبَاوُو نَاخِيْشَلَا هَاوُر هَلَلِ اِيْلَصِيْبِنَلَا نَعُوْغُو

Яна ўша кишидан ривоят қилинади:

«Набий соллаллоҳу алайҳи васаллам:

«Аллоҳнинг чўриларини Аллоҳнинг масжидларидан ман қилманглар», дедилар».

Икки Шайх ва Абу Довуд ривоят қилганлар ҳамда:

«Лекин хушбўйланмасдан чиқсинлар» жумласини зиёда келтирганлар.

Шарҳ: Ушбу ҳадисдан оладиган фойдаларимиз:

1. Аёлларни масжидларга боришдан ман қилмаслик.
2. Аёллар масжидга борсалар, хушбўй нарсалар суртмай боришлари шарт эканлиги.

Эътибор берадиган бўлсак, биринчи ҳадисда аёл киши масжидга борса, эркак кишиларнинг кўзига кўринмаслиги зарур эканлиги таъкидланган эди. Бу ҳадисда эса масжидга борган аёл кишининг ҳиди эркак кишининг димоғига кириши дуруст эмаслиги айтилмоқда.

**«Ҳадис ва ҳаёт» китоби асосида тайёрланди**